

## Was merr su babbeld

Honnes? Honnes? Wo isser donn widder!  
Hier bin ich.  
Ei wo donn?  
Im Gadde. Isch kumm gleich.  
Was hosden im Gadde gemacht?  
E bissi geguckt. Schee isser.  
Gelle?  
Merr merkt schunn wassde su alles mächst.  
Su, dess merksde also.  
No klar.  
Unn du host nor geguggd?  
Nor geguggd.  
Dess glaab isch derr nitt.  
Nitt?  
Isch kenn doi Guggerei.  
Unn?  
Was werden doo widder erauskumme?  
Nix. Saach emol, sollt isch nitt ebbes mache?  
Was donn?  
In die Kolonnade fahrn, ebbes holle?  
Naa, wisst ich nitt.  
Odder in die Abbedek?  
Aach nitt.  
Odder soll isch ebbes außem Keller holle.  
Isch habbs gewissd.  
Was hosde gewissd?  
Dassde noch ebbes ferr de Gadde willst.  
Wie dess?  
Weilde dich su ooschmuse dust.  
Isch?  
Ja, mett Oikaafe unn su.  
No ja ...  
Nix no ja, in de Gadde kimmt nix mieh enoi.  
Ja, ja.  
Nix mieh enoi, heersde?  
No ja, weil mir doch im Lutherjohr sinn.  
Mir sinn kadolisch.  
Dess war de Luther aach emol.  
Unn, was iss meddem Lutherjohr?  
Weil der Luther doch gesaad hawwe soll ...  
Was donn? Der soll vill gesaad hawwe.  
Aach ebbes iwwer e Äppelbeemsche. „Wenn  
ich wüsste, dass morgen die Welt unterginge,

Honne427

würde ich heute noch ein Apfelbäumchen  
pflanzen.“

Und du moonst, die Welt deet unnergieh?

Jedenfalls die, die mir kenne: Ja!

Unn du willst die Welt rette?

Na, awwer noch e Äbbelbeemsche plonze.

Eiern Honnes